

06.09.22

Annwyl riant / warcheidwad,

Pleser yw eich cyfarch ar ddechrau blwyddyn academiaidd newydd. Mae'r bartneriaeth rhwng yr ysgol a'r rhieni/gwarcheidwaid wedi chwarae rhan allweddol yn llwyddiannau'r ysgol ac rydw i'n awyddus i weld y bartneriaeth yma yn parhau ac yn cryfhau dros y blynyddoedd nesaf. Os oes unrhyw fater rydych am ei drafod, neu fod awgrym gennych i wella unrhyw agwedd o fywyd yr ysgol, cofiwch ein bod yn awyddus i glywed gennych. Byddem yn croesawu gwirfoddolwyr newydd i ymuno â fforwm llais ein rhieni sydd yn cyfarfod bob hanner tymor yn Llyfrgell yr ysgol. Cysylltwch â Mrs Emma Howells am fanylion pellach: HowellsE32@hwbcymru.net neu rhowch alwad i mi? Yn y cyfamser, hoffwn dynnu'ch sylw at y materion pwysig isod ar ddechrau'r flwyddyn:

- 1. Canlyniadau arholiadau allanol:** Unwaith eto mae ein canlyniadau TGAU a Safon Uwch yn gryf iawn, gyda nifer o ddisgyblion yn rhagori. Rydym wedi sefydlu traddodiad cryf o lwyddiant academiaidd yn yr ysgol sy'n dyst i ymdrechion cyson y disgyblion a'r staff gyda'ch cefnogaeth werthfawr chi fel rhieni/gwarcheidwaid. Dymunwn yn dda i'r disgyblion sydd yn ein gadael ar ddiwedd Bl.13 ac 11eg ac edrychwn ymlaen at groesawu criw mawr yn ôl i'r 6ed eleni!

2. Dyddiadau tymor a HMS athrawon:

	Tymor yr Hydref	Tymor y Gwanwyn	Tymor yr Haf
Dechrau	Llun 05.09.22	Llun 09.01.23	Llun 17.04.23
Hanner Tymor	31.10.22 – 04.11.22	20.02.23 – 24.02.23	29.05.23 – 02.06.23
Gorffen	Gwener 23.12.22	Gwener 31.03.23	Llun 24.07.22
HMS - Bydd yr ysgol ar gau i ddisgyblion oherwydd hyfforddiant staff yr ysgol: 05.09.22; 06.09.22; 09.12.22; 17.02.23; 24.07.23			

3. Nosweithiau rhieni (byddwn yn rhannu trefniadau pendant gyda chi yn agosach at y noson):

Bl 7 Bugeiliol	26.09.22	Bl 10 Cynnydd	12.12.22
Bl 7 Cynnydd	28.03.23	Bl 11 Cynnydd	24.11.22
Bl 8 Cynnydd	13.03.23	Bl 11 Opsiynau 16+	17.01.23
Bl 9 Cynnydd	31.01.23	Bl 12+13 Cynnydd	06.12.22
Bl 9 Opsiynau	02.03.23	Bl 12 Bugeiliol a 13 Addysg Uwch	21.09.22

- 4. Staffio:** pleser yw croesawu'r staff canlynol i Fryn Tawe eleni Miss Eleri Williams i'r Adran Ieithoedd Modern; Miss Amy Wright a Miss Molly Ubsdall i'r Adran Wyddoniaeth; Miss Josie Perkins i'r Adran Dechnoleg; Mr Owen Llewelyn i'r Adran Fathemateg; Mrs Jill Davies i'r Adran Saesneg; Mrs Bethan Thomas a Mr Jac Lewis fel Cynorthwywyr Dysgu; Miss Delyth Evans fel Cynorthwydd Bugeiliol a Miss Catrin Davies fel Cynorthwydd Llythrennedd.

5. Newid i'r Polisi Ffonau Symudol:

Mae gordddefnydd o ffonau symudol a'r amser y mae disgyblion yn treulio o flaen sgrin yn bryder gynyddol oherwydd yr effaith negyddol ar ddysgu a lles. Mae ffonau symudol yn tynnu sylw dysgwyr yn ystod y diwrnod ysgol. Mae'n hanfodol bwysig bod dysgwyr yn gallu canolbwyntio'n llawn ar eu dysgu yn



Ysgol Gyfun Gymraeg Bryn Tawe
Heol Gwrysydd, Penlan, Abertawe SA5 7BU
Ffôn 01792 560600

Ebost: SwyddfaBrynTawe5@hwbcymru.net
www.bryntawe.swansea.sch.uk

Pennaeth: Mr Simon Davies



ystod gwersi ac yn treulio amser o ansawdd yn cymdeithasu gyda'i gilydd yn eu hamser rhydd. Yn sgil hyn, wedi ymgynghori gyda'n disgyblion, fforwm llais ein rhieni a staff yr ysgol, rydym yn mynd i **weithredu rhai newidiadau pwysig i'n polisi ffonau symudol yn yr ysgol**. Mae manylion y polisi newydd ar gael ar ein safwe ar y [ddolen yma](#). Mae cefnogaeth rhieni gyda hyn yn hanfodol bwysig ac yn cael ei werthfawrogi'n fawr. Mae llawer o astudiaethau i effeithiau negyddol amser sgrin ar iechyd meddwl, lles a datblygiad ymenyddol pobl ifanc a theimlwn ei fod yn ddyletswydd arnom i gymryd y camau pwysig hyn er mwyn ceisio cefnogi lles a dysgu pob disgybl.

6. SMHW – 'SatchelOne'

Mae'r defnydd o'r Ap 'SatchelOne' gan **rieni a disgyblion** yn holl bwysig - mae'n cynnwys manylion gwaith cartref eich plentyn, pwyntiau clod a negeseuon pwysig. Eleni rydym wedi ychwanegu pwyntiau negyddol/ymddygiad i mewn i'r Ap, er mwyn gwella ein cyfathrebu ymhellach gyda'n rhieni. Os nad oes mynediad gyda chi neu eich plentyn i'r Ap - gofynnwch i diwtor personol eich plentyn am y manylion mewngofnodi.

7. Ymddangosiad: Hoffwn eich atgoffa am ein disgwyliadau o ran ymddangosiad ein disgyblion, sydd yn destun balchder i ni ym Mryn Tawe. Mae ein polisi gwisg i'w weld yn llawn ar ein safwe ar y [ddolen yma](#). Gwethfawrogwn gefnogaeth pob rhiant i sicrhau bod eich plentyn yn cwrdd â'r disgwyliadau yma ac yn benodol am y rheol ynghlyn â gemwaith - does **dim caniatâd gan ddisgyblion 7-11 i wisgo tlysau yn eu trwyn**. Mae gwisgoedd ail law ar gael i'w casglu o'r ysgol - cysylltwch gyda ni drwy'r dulliau isod i wneud trefniadau.

8. Ffurflen casglu data: Mae'n bwysig ein bod yn sicrhau bod y wybodaeth fwyaf cyfredol gennym ar gyfer pob un o'n disgyblion. Gofynnwn i bob rhiant felly i gwblhau'r [ffurflen casglu data hon](#), os nad ydych yn barod wedi gwneud, sydd yn casglu'r holl wybodaeth anghenrheidiol sydd angen arnom i gefnogi dysgu a lles ein disgyblion. Yn ogystal, byddwn yn hyrwyddo profiadau a llwyddiannau disgyblion drwy gyhoeddi hanesion a lluniau disgyblion ar ein gwefan, gwefannau cymdeithasol yr ysgol neu yn eu cyhoeddi yn y wasg yn achlysurol. Gofynnwn i bob rhiant roi caniatâd, neu beidio, yn ôl eich dymuniad, i ni ddefnyddio lluniau o'ch plentyn wrth gyfrannu at weithgareddau'r ysgol.

9. Offer ysgol: Gobeithio'ch bod wedi llwyddo i sicrhau bod gan eich plentyn yr offer angenrheidiol ar gyfer dysgu yn yr ysgol bob dydd, gan gynnwys offer Mathemateg. Os oes unrhyw bryder gennych ynglyn â hyn, plis cysylltwch gyda ni er mwyn gallu cefnogi.

10. Absenoldeb am wyliau teuluol: rydym yn annog pob rhiant/gwarcheidwad **yn gryf i beidio â threfnu gwyliau teuluol yn ystod y tymor**, gan ei fod yn cael effaith negyddol ar addysg disgyblion. Heb ganiatâd, fe fydd absenoldeb o'r fath yn cael ei drin fel absenoldeb heb awdurdod. Gweler y [polisi presenoldeb yma](#).

Edrychwn ymlaen at groesawu pawb yn ôl i'r ysgol o ddydd Mercher ar gyfer blwyddyn lwyddiannus unwaith eto ym Mryn Tawe.

Yn ddiffuant,





Ysgol Gyfun Gymraeg Bryn Tawe
Heol Gwrysoydd, Penlan, Abertawe SA5 7BU
Ffôn 01792 560600

Ebost: SwyddfaBrynTawe5@hwbcymru.net
www.bryntawe.swansea.sch.uk

Pennaeth: Mr Simon Davies

